

Euskara-ikasleak. Euskal Herria

Definizioa

Euskal Herrian zenbat ikasle heldu ari den euskara ikasten neurtzen du adierazle honek.

Euskal Autonomia Erkidegoko datuetan hizkuntza-eskoletako euskara-ikasleak sartu gabe daude.

Nafarroan euskaltegietako ikasleen eta hizkuntza-eskoletako euskara-ikasleen datuak sartu dira.

Iparraldekoetan gau eskoletako ikasleak, ikastaldietakoak (ikastaro trinkoetakoak: urtean aste bat edo bi) eta xede taldeetakoak (formakuntza profesionala: lan denboran eta lanarentzat euskara ikasten duten pertsonak publikoan edo pribatuak) sartu dira

Hedadura

Euskal Herria.

Aldagaiak eta kategoriak

- **Eremu geografikoa:** Euskal Herria, EAE, Nafarroa, Iparraldea, Araba, Bizkaia, Gipuzkoa, Lapurdi, Nafarroa Beherea eta Zuberoa

Iturriak: HABE EAEko datuetarako, Euskarabidea Nafarroako datuetarako eta AEK Iparraldeko datuetarako

Iturrien ezaugarriak

HABE: 1981ean jarri zuen martxan Eusko Jaurlaritzak HABE erakundea (Helduen Alfabetatze eta Berreuskalduntzerako Erakundea). HABE Eusko Jaurlaritzako Autonomiadun Erakunde bat da, Kultura Sailari atxikia, bere legezko nortasuna duena, Eusko Legebiltzarraren [29/1983 Legeak](#) sortua. Erakunde horren sorrerarekin euskararen irakaskuntzak eite berri bat hartu zuen: profesionalizazioa handitzen hasi zen, materialen ekoizpena ere bai, euskara irakasten aritzen ziren ikastegi guztien erregistroa sortu zen, ikasleen matrikulak informatika bitartez zenbatzen hasi ziren, maila batzuk edo besteak lortzeko behar ziren ikastorduek kalkulatzeko hasi ziren ...

Euskarabidea-Nafarroako Euskararen Institutua Nafarroako Gobernuko autonomiadun erakundea da eta Herritarrekiko eta Erakundeekiko Harremanetarako Departamentuari atxikia dago, gobernu osorako zeharkako estrategiak egiteko euskararen alorrean.

AEK: Euskal Herri osoan aritzen da. Xede du Euskal Herriko biztanle guztiek euskara ezagutzea, eta herritarrek egunerokoan euskara normaltasunez erabiltzea. Horretarako, euskararen normalizaziorako eremu guztietan aritzen da: ezagutzean, erabileran eta sustapenean.

Lehenengo datua eta maiztasuna

Lehenengo datua: 2010-2011 ikasturtean Euskal Autonomia Erkidegoan eta Iparraldean eta 2015-2016 ikasturtean Nafarroan.

Maiztasuna: Ikasturteka

Euskaltegietako ikastaroak eta bestelako zerbitzuak ikasturteka antolatu ohi dira. Euskara ikasteko eskaintza nagusia ikasturtearen hasieran, urrian, egin ohi da. Hala eta guztiz ere, kontuan hartzekoa da ikasle berriek etengabe ematen dutela izena euskara ikasteko euskaltegietan, eta matrikula aldi berriak ikastaldean berrantolaketa dakarrela berarekin. Bestalde, ikasle askok aukeratzen dute udaldia, uztailetik irailera bitartean, euskarazko ikastaroak egiteko.

Informazio osagarria

HABE

Ikasleak:

http://www.habe.euskadi.eus/s23-4728/eu/contenidos/informacion/ikasleak/eu_9721/ikasleak.html

Irakasleak:

http://www.habe.euskadi.eus/s23-4728/eu/contenidos/informacion/irakasleak/eu_9720/irakasleak.html

Euskaltegiak:

http://www.habe.euskadi.eus/s23-4728/eu/contenidos/informacion/euskaltegiak/eu_9719/euskaltegiak.html

Euskarabidea

Euskarabideako weborrian ez dago daturik, momentuz. Aurreikusita dago egiten ari den moldaketan horren berri sartzea